



IV GOVERNUN KONSTITUSIONÁL SEKRETARIA ESTADU KONSELLU MINISTRU

KOMUNIKADU BA IMPRENZA

Sorumutu Konseho Ministrus estraordináriu loron 30 fulan Juñu 2011

Konseho Ministrus dedika ninia Reuniaun Estraordinária iha Kinta-feira ida-né, loron 30 Juñu 2011, ba halo análise kona-ba **Plano Estratégico de Desenvolvimento** de Timor-Leste. Plano né, nudar projetu nasional, fo visão tinan ruanulu mai hodi refleto aspirações povo Timoroan nian, atu bele harí Nação ida nebé próspera no forte. Plano ida né desenvolve atu bele inspira mudanças, fó apoio ba acção colectiva ida, nebé barani, no planeia ba futuru diak-liután.

Plano Estratégico de Desenvolvimento (PED) reflecte visão no aspirações povo Timor tomak nian, hanesan hatudu durante consulta nacional naruk tebes, nebé hala'o iha 2010, no hatúr tuir dokumentu 'Timor-Leste – Visão ba 2020', nebé sai nudar base ba Plano de Desenvolvimento Nacional 2002.

Timor-Leste iha atributos chave haat (4), nebé permite atu afirma katak Nação ida né hatúr metin iha pozisaun diak duni, hodi konkretiza visão **PED**: vontade política, potencial económico, integração nacional, no população dinâmica.

Estratégias no acções, nebé estabelece ona iha **PED** to'o 2030, hakarak lori Timor-Leste sai husi País ho rendimento baixo ba País ida ho rendimento médio-alto, ho população saudável, instruída no segura.

Sumário husi **PED**, ho título "Husi conflito ba prosperidade", fó sai iha Abril 2010. Rezumu ida-ne maka serve nudar base ba 70 consultas ho comunidades halo iha suku no vilas iha rai-laran tomak. Opinioens hotu-hotu nebé simu husi consultas hirak-ne hatama hotu-ona iha **PED**. Planos estratégicos sectoriais, husi instituisoens Governo nian tomak, incorpora hotu iha **PED** no sei serve hanesan mata-dalan ba ninia implementasaun.

Timor-Leste nia **PED** ida né sai hanesan pacote integrado ida husi políticas estratégicas nebé atu implementa iha curto prazo (tinan ida to'o lima), iha médio prazo (tinan lima to'o sanulu) ho ba longo prazo (tinan sanulu to'o ruanulu). **PED** nebé, buka tuir mós Objectivos de Desenvolvimento do Milénio Nações Unidas nian, la ós conjunto de metas de'it. Plano né hakarak estabelece orientasaun nebé possibilita desenvolvimento inclusivo, sustentável no iha longo prazo iha Timor-Leste.

Plano ne ninia objectivo mak atu desenvolve infra-estruturas fundamentais, recursos humanos no hametin sociedade nia kbiit, hanesan mós hasa'e crescimento ba emprego iha sector privado no mós iha sectores industriais estratégicos – hanesan agricultura, turismo nebé naburas ho indústrias “downstream” iha sector petróleo no gás.

PED estabelece saída mak precisa halo atu alcança Povo Timor-Leste nia visão kona ba Nação ida, nebé moris ho paz no próspera iha tinan 2030. **PED** proporciona enquadramento ida hodi identifica no verifica prioridades no hatudu dalan atu implementa estratégias no acções nebé recomenda ona.

PED apresenta parte tolu (3). Parte primeira mak capital social, nebé foca ba harí sociedade ida be saudável no instruida, hodi fó resposta ba necessidades sociais Povo nian no, nuné, promove desenvolvimento humano. Parte segunda hakarak fó garantia katak País n'e iha duni infra-estruturas fundamentais no produtivas atu harí Nação nebé sustentável, bele buras no interligada. Parte terceira abrange desenvolvimento económico hodi hetan economia próspera no moderna, nebé fó servisu barak ba Povo. Pilares hirak né sei hatúr iha alicerce boa governação nian no iha enquadramento institucional nebé eficás ba sectores hotu-hotu.hodi rezolve situasaun ne'e.

Ikus mai, Conselho de Ministrus aprova **Plano Estratégico de Desenvolvimento** de TimorLeste, nebé elabora iha documento ida ho paginas atus rua resin.